



Tri dove koje bi trebali znati

Ove tri dove, vezane za namaz, bi obavezno trebali naučiti napamet i učiti ih svaki dan jer, zaista, donose sa sobom neizmjerne blagodati...

1. Prenosi se od Džabira, radijallahu anh, da je Allahov Poslanik, sallallahu alejhi ve sellem, rekao: *“Onaj koji čuje ezan pa kaže sljedeće zadobit će moj šefa’at na Sudnjem danu:*

اللَّهُمَّ رَبِّ هَذِهِ الدَّعْوَةِ التَّامَّةِ، وَالصَّلَاةِ الْقَائِمَةِ، آتِ مُحَمَّدًا الْوَسِيلَةَ وَالْفَضِيلَةَ، وَابْعَثْهُ مَقَامًا مَحْمُودًا الَّذِي وَعَدْتَهُ

„Allahumme Rabbe hazihi-d-da’veti-t-tammeti ve-s-salati-l-kaimeti ati Muhammedeni-l-vesilete ve-l-fadilete, ve-b-’ashu mekamen mahmudenil-lezi ve’adtehu!

(Allahu moj, Gospodaru ove cjelovite molbe i namaza koji se upravo uspostavlja, podari Muhammedu poseban stepen u Džennetu i svako dobro, te uzdigni ga na uzvišeno mjesto koje si mu obećao). (Buharija)

2. Dova/zikr poslije abdesta

Omer, radijallahu anhu, prenosi da je Poslanik, sallallahu alejhi ve sellem, rekao: *“Ko god se abdesti, upotpunjavajući svoj abdest, pa potom kaže: Svjedočim da nema drugog boga osim Allaha i daje Muhammed Njegov rob i Njegov poslanik (EŠHEDU EN LA ILAHE ILLALLAH VE ENNE MUHAMMEDEN ABDUHU VE RESULUHU), sigurno će mu se otvoriti svih osam džennetskih kapija da uđe na koju želi”.* (Muslim)

U drugoj verziji ovog hadisa stoji:

“Svjedočim da nema drugog boga osim Allaha, Koji nema sudruga u vlasti, i svjedočim da je Muhammed Njegov rob i poslanik! (EŠHEDU EN LA ILAHE ILLALLAHU VAHDEHU LA ŠERIKE LEHU VE EŠHEDU ENNE MUHAMMEDEN ABDUHU VE RESULUHU). Allahu moj, učini me od onih koji se često kaju i mnogo čiste!» (ALLHUME-DŽALNI MINET-TEVVABINE VE DŽALNI MINEL-MUTETAHIRIN!) (Muslim i Tirmizi)

3. Dove nakon posljednjeg tešehhuda (sjedenja), a prije predavanja Selama

a) **“Allahumme inni e’uzu bike min’azabil-kabri ve min ‘azabi džehenneme ve min fitnetil-mahja ve-l-memati ve min šerri fitnetil-mesihid-dedžali!** / Allahu, prizivam Te da me sačuvaš od kaburske kazne i od kazne Džehennema, od ovosvjetskih i onosvjetskih kušnji, te od kušnji Mesiha

Dedždžala.”

b) Allahov Poslanik, sallallahu alejhi ve sellem, ušao je u džamiju i zatekao nekog čovjeka kako, završavajući namaz, na posljednjem tešehudu, tj. u dovi prije predavanja selama uči sljedeću dovu:

**ALLĀHUMME INNĪ ES'ELUKE JĀ ALLĀHU BI'ENNEKEL-VĀHIDUL-EHADUS-SAMED
ELLEZĪ LEM JELID VE LEM JŪLED VE LEM JEKUN LEHŪ KUFUVEN EHADUN EN TAGFIRE
LĪ ZUNŪBI INNEKE ENTEL-GAFŪRUR-RAHĪM** - Allahu, molim Ti se, o Allahu, jer si Ti Jedan,
Jedini, Utočište svakom, Koji nisi rodio, Koji nisi rođen i Kome niko ravan nije, da oprostiš moje
grijehe, Ti si, zaista, Onaj Koji oprašta, Milostivi!, pa je Vjerovjesnik rekao: *'Oprošteni su mu grijesi,
oprošteni su mu grijesi!'*” (En-Nesai)

اللَّهُمَّ إِنِّي أَسْأَلُكَ يَا اللَّهُ الْأَحَدُ الصَّمَدُ الَّذِي لَمْ يَلِدْ وَلَمْ يُولَدْ وَلَمْ يَكُنْ لَهُ كُفُوًا أَحَدٌ أَنْ تَغْفِرَ لِي ذُنُوبِي إِنَّكَ أَنْتَ الْغَفُورُ الرَّحِيمُ

Izvor: n-um.com